

Morning Dogri (NSD) Bulletin

16-01-2026

आकाशवाणी

खास-खास खबरां:-

- प्रधानमंत्री नरेंद्र मोदी स्टार्ट-अप इंडिया पैहल दे इक दहाके दे पूरा होने दे मौके पर अज्ज नमी दिल्ली दे भारत मंडपम च आयोजित होने आहले कार्यक्रम च हिस्सा लैडन।
- निर्वाचन आयोग नै गोवा, लक्षद्वीप, राजस्थान, पुद्दुचेरी ते पश्चिम बंगाल च चला रदी मतदाता विशेष गहन नजरसानी-एस.आई.आर दी समे सीमा 19 जनवरी तगर बदाई दिती ऐ
- भारत ने ईरान च बनी दी सुरक्षा स्थिति दे मद्देनजर अपने बसनीके गी ईरान दी जातरा नेई करने दी सलाह दिती ऐ।
- केंद्रीय ऊर्जा मंत्री मनोहर लाल होरे आक्खेआ ऐ जे भारत दी विद्युत स्थापन उत्पादन क्षमता बरे 2014 दे 249 गीगावाट सोयां बदिऐ 2025 च 510 गीगावाट सोयां मती होई गेई ऐ, जेडी दोगुने सोयां भी ज्यादा ऐ
- आई.सी.सी. अंडर - 19 क्रिकेट विश्व कप दे पैहले मैच च भारत नै अमरीका गी डक्वर्थ लुईस नियम तैहत 6 विकेट कन्ने हराई दिता ऐ।

<><><><><><>

PM- Startup

प्रधानमंत्री नरेंद्र मोदी स्टार्ट-अप इंडिया पैहल दे इक दहाके दे पूरा होने दे मौके पर अज्ज नमी दिल्ली दे भारत मंडपम च आयोजित होने आहले कार्यक्रम च हिस्सा लैडन। कार्यक्रम च प्रधानमंत्री भारत दे जीवंत स्टार्ट-अप परितंत्र दे सदस्ये कन्ने गल्लबात करडन। किश स्टार्ट-अप प्रतिनिधि अपनी उद्यमशीलता यात्रा दे अनुभव भी सांझा करडन।

प्रधानमंत्री नरेंद्र मोदी होरे नमिऐं काहडे गी बढावा देने, उद्यमशीलता गी बढावा देने ते निवेश-आधारित विकास गी सक्षम बनाने आस्तै राष्ट्रीय कार्यक्रम दे तौर पर 16 जनवरी 2016 गी स्टार्ट-अप इंडिया दी शुरुआत कीती ही।

पिच्छले इक दहाके च, स्टार्ट-अप इंडिया भारत दी आर्थिक ते नवाचार संरचना दा महत्वपूर्ण थम्म बनिए उभरेआ ऐ।

<><><><><><>

PM- New Trains

प्रधानमंत्री नरेन्द्र मोदी कल असम च केंई नमीं रेल सेवाएं गी शुरु करोआंगन- जिंदे च हावड़ा-पच्छिम बंगाल ते कामाख्या गी जोड़ने आली नमीं “वंदे भारत स्लीपर एक्सप्रेस” रेल सेवा बी शामिल ऐ। होरनें रेल सेवाएं च न्यू-जलपाईगुडी, नागर कोल अमृत भारत एक्सप्रेस, न्यू-जलपाईगुडी, तिरु-चिरापल्ली अमृत भारत एक्सप्रेस-अलिपुरदौर-SMBT बेंगलुरु अमृत भारत एक्सप्रेस-अलिपुरदौर-मुम्बई(पनवेल) अमृत भारत एक्सप्रेस-राधिकापुर- SMBT बेंगलुरु मेल एक्सप्रेस ते बालुरघाट-SMBT बेंगलुरु मेल एक्सप्रेस शामिल ना। इनें रेल सेवाएं कन्नै पच्छिम बंगाल- असम- बिहार- ओडीशा- आंध्र-प्रदेश- कर्नाटक- तमिनाडू- महाराष्ट्र- उत्तर-प्रदेश ते मध्य-प्रदेश बश्कार यात्री सम्पर्क च मता सुधार होग। औंदे ऐतवारें श्री मोदी होर हावड़ा-आनंद बिहार टर्मिनल अमृत भारत एक्सप्रेस-सियालदाह-वाराणसी अमृत भारत एक्सप्रेस ते संतरागाची-तंबारम अमृत भारत एक्सप्रेस रेल सेवाएं गी शुरु करोआंगन।

<><><><><><>

SIR

निर्वाचन आयोग नै गोवा, लक्षद्वीप, राजस्थान, पुद्दुचेरी ते पश्चिम बंगाल च चला रदी मतदाता विशेष गहन नजरसानी-एस.आई.आर दी समें-सीमा 19 जनवरी तगर बदाई दिती ऐ। हुन मतदाता इस म्हीने दी 19 तरीक तगर दावे ते आपत्तियां दर्ज कराई सकदे ना। इक पत्र च निर्वाचन आयोग नै आक्खेआ ऐ जे इनें राज्यें ते केंद्र शासित प्रदेशें दे मुख् निर्वाचन अधिकारियें-सी.ई.ओ दे अनुरोधें ते होरने प्रासंगिक बजहें पर विचार करने मगरा संशोधित समें-सीमा तय कीती गई ऐ। निर्वाचन आयोग नै सीओ.ई. गी दावे ते एतराजें गी दर्ज करने दी अवधि च विस्तार बारे च व्यापक प्रचार यकीनी करने दा बी निर्देश दिता ऐ।

<><><><><><>

NTA JEE -Bengal

राष्ट्रीय परीक्षा एजेंसी-एन.टी.ए नै आक्खेआ ऐ जे पश्चिम बंगाल च 23 जनवरी गी जे.ई.ई-2026 (मेन) आस्तै पैहली पारी दी परीक्षा च बौहने आहले मेदवारें गी दस्सी गेदी तरीकें चा कोई दूई तरीक आवंटित कीती जाग। परीक्षा दी तिथि च एह बदलाव इस महीने दी 23 तारीक गी सरस्वती पूजा समारोह दे मद्देनजर कीता गया ऐ। सोशल मीडिया पोस्ट च एजेंसी नै दस्सेआ जे उसी पश्चिम बंगाल दे मेदवारें दिया इस संबंध च दरखास्तां हासिल होईयां ना। मेदवार इस सरबंध च मती जानकारी आस्तै jeemain@nta.ac.in पर ईमेल या 011-40759000 पर कॉल करी सकदे ना।

<><><><><><>

IMF -India

अंतर्राष्ट्रीय मुद्रा कोष-आई.एम.एफ नै आक्खेआ ऐ जे भारत वैश्विक अर्थव्यवस्था दा प्रमुख विकास इंजन ऐ। आई.एम.एफ नै आक्खेआ ऐ जे त्री तिमाही च भारत दी आर्थिक वृद्धि अनुमान सोयां बेहतर रेई ऐ। अंतर्राष्ट्रीय मुद्रा कोष दे संचार विभाग दी निदेशक जूली कोज़ाक होरें इक संवाददाता सम्मेलन च दस्सेआ जे भारत दी वृद्धि दर बेहतर बनी दी ऐ ते एहे मुख्त तौर पर मज़बूत घरेलू खपत करी संचालित ऐ। अंतर्राष्ट्रीय मुद्रा कोष नै इसदे थ्वा पैहले माली बरे 2025-26 आस्तै भारत दी वृद्धि दर 6 अशारिया 6 फीसद रौहने दा अनुमान जाहिर कीता हा।

<><><><><><>

Haj Pilgrims -Advisory

अल्पसंख्यक मामलें दे मंत्रालय नै हज यात्रियें ते होरनें सरबंधी धडें गी औपचारिकता पूरियां करने आस्तै बाददू समें देने दा फैसला कीता ऐ। मंत्रालय नै आक्खेआ ऐ जे इस महीने दी 25 तरीक तगर एदा खीरी विस्तार दिता जा र दा ऐ। इसदे च साफ कीता गेआ ऐ जे कुसै बी परिस्थिती च अगगे कोई होर विस्तार नेई दिता जाग। मंत्रालय मूजब इस अवधि दौरान हज यात्रियें गी बुकिंग प्रक्रिया पूरी करनी होग, अपने वैध पासपोर्ट भारतीय हज समिति या संबंधित हज समूह आयोजकें गी जमा कराने होंडन ते तय समे सीमा दे अन्दर नुसुक पोर्टल पर सफलतापूर्वक बोर्डिंग यकीनी करनी होगा।

<><><><><><>

Iran-Indians

भारत ने ईरान च बनी दी सुरक्षा स्थिति दे मद्देनजर अपने बसनीकें गी ईरान दी जात्तरा नेई करने दी सलाह दित्ती ऐ। बदेश मंत्रालय ने इक सलाह च आखेआ ऐ जे ईरान च चला'रदिएं घटनाएं गी दिक्खदे होई, भारती बसनीकें गी अगली सूचना तगर ईरान दी जात्तरा थमां बचने दी सख्त सलाह दित्ती जंदी ऐ। बदेश मंत्रालय ने ईरान च रवा'रदे भारती बसनीकें ते भारती मूल दे लोकें गी उचित सावधानी बरतने ते बरोध-प्रदर्शन आह्लें इलाकें च जाने थमां बचने दी गुजारिश कीती ऐ। बदेश मंत्रालय ने आखेआ ऐ जे ईरान च वीजे पर रवा'रदे भारती बसनीकें गी सलाह दित्ती जंदी ऐ कि जेगर उ'नें पैहले शा पंजीकरण नेई कराये दा ऐ तां भारती दूतावास च पंजीकरण करोआई लैन। भारतीय दूतावास ने हैल्पलाईन नम्बर ब जारी कीते न। एहू नम्बर न +972-54-7520711 +972-54-327892। ई-मेल दे राहें बी दूतावास कन्नै राबता कीता जाई सकदा ऐ। ई-मेल दा पता ऐ -cons.tehran@mea.vog.in

<><><><><><>

Manhor lal

केंद्रीय ऊर्जा मंत्री मनोहर लाल होरें आक्खेआ ऐ जे भारत दी विद्युत स्थापन उत्पादन क्षमता वरे 2014 दे 249 गीगावाट सोयां बदिऐ 2025 च 510 गीगावाट सोयां मती होई गेई ऐ, जेडी दोगुने सोयां भी मती ऐ। कल नमीं दिल्ली च भारत विद्युत सम्मेलन-2026 दे पूर्वालोकन च मनोहर लाल होरें आक्खेआ जे भारत ऊर्जा आह्ले क्षेत्र च नमे युग च पुज्जी गेआ ऐ। जेडा भरोसेमंद, सखल्ले ते अनुकूलता कन्नै परिभाषित ऐ। उने आक्खेआ जे भारत हुन दुनिया दा त्रीया सबनें थ्वां बड्डा बिजली उत्पादक ते उपभोक्ता देश बनी गया ऐ।

स्वच्छ ऊर्जा दे क्षेत्र च होई दी प्रगति दी चर्चा करदे होई उनें आक्खेआ जे देश दी गैर-जीवाश्म ईंधन क्षमता 2014 दे 32 प्रतिशत सोयां बदिऐ वरे 2025 च 52 प्रतिशत होई गेई ऐ। भारत विद्युत सम्मेलन-2026 नमीं दिल्ली च 19 सोयां 22 मार्च तक आयोजित होग। चार दिन दे इस वैश्विक सम्मेलन च नीति निर्माता, औद्योगिक जगत, निवेशक ते माहिर हिस्सा लैडन ते इस सरबंध्यै च विचार-विमर्श करडन।

श्री मनोहर लाल होरें आकखेआ जे एह सम्मेलन भारत दी ऊर्जा शक्तियें गी वैश्विक नज़रिए कन्ने जोड़िए देशें दे सतत विद्युत भविष्य गी आकार देगा।

<><><><><><>

Cricket U-19

आई.सी.सी. अंडर - 19 क्रिकेट विश्व कप दे पैहले मैच च भारत नै अमरीका गी डक्कर्थ लुईस नियम तैहत 6 विकेट कन्ने हराई दिता ऐ। कल जिम्बाब्वे च खेडे गेदे मैच च पैहले बल्लेबाजी करदे होई अमरीका दी टीम 35 ओवर 2 गेंदे च छडे 107 रन बनाकर आउट होई गेई। इसदे मगरा बरखा करी मैच 37 ओवर दा करी दिता गया। 96 रन्ज दा संशोधित लक्ष्य भारतीय टीम नै सौखे हासलि करी लैता। भारत दे एच. पटेल गी विकेटा 5० लेने आस्तै "मैन ऑफ द मैच" चुने गया। ग्रुप-ए दे अगले मुकाबले च कल भारत दा मुकाबला बांग्लादेश कन्ने होगा।

<><><><><><>

Cricket WPL

महिला प्रीमियर लीग क्रिकेट च, कल राती यू.पी वॉरियर्स नै मुंबई इंडियंस गी 7 विकेट कन्ने हराई दिता। नवी मुंबई दे डीवाई. पाटिल स्पोर्ट्स एकेडमी मैदान च जीत आस्तै 162 रन्ज दे लक्ष्य दा पिच्छा करदे होई, यू.पी वॉरियर्स नै 11 गेंद बाकी रौहन्दे लक्ष्य हासिल करी लैता। इसदे थवा पैहले, मुंबई इंडियंस नै पैहले बल्लेबाजी करदे होई तय 20 ओवर च 5 विकेट पर 161 रन बनाए।

जवाब च यू.पी वॉरियर्स नै 18 ओवर ते इक गेंद च 3 विकेटे पर 162 रन बनाईऐ मैच जीती लैता। उसदी तरफा हरलीन देओल नै 39 गेंदें च नाबाद 64 रन्ड दी पारी खेडी। हरलीन गी प्लेयर ऑफ द मैच घोषित कीता गया। अज्ज संजा साड्डे बजे रायल चैलेंजर्स बेगलुरु दी टीम दा मुकाबला जुगरात जायंटस कन्ने होगा। 7

<><><><><><>

Badminton -India Open

इंडिया ओपन बैडमिंटन टूर्नामेंट दे मर्दे दे एकल दे क्वार्टरफाइनल च अज्ज दिल्ली च लक्ष्य सेन दा मुकाबला चीन दे लिन चुन-यी कन्ने होगा। एदे थवा पैहले खेडे गेदे मैच च लक्ष्य सेन नै जापान दे केंटा निशिमोतो- गी हराया हा।

<><><><><><>

India- Israel

भारत ते इजराइल नै मच्छी पालन ते जलीय कृषि क्षेत्र च सहयोग मजबूत करने आस्तै मंत्रिस्तरीय संयुक्त आशय घोषणा पत्र पर दस्तखत कीते न। इजराइल च आयोजित द्वितीय वैश्विक शिखर सम्मेलन “ब्लू फूड सिक्योरिटी: सी द फ्यूचर-2026” दौरान दस्तखत कीते गए। मच्छी पालन, पशुपालन ते डेयरी मंत्रालय नै इक बयान च आक्खेआ ऐ जे एह घोषणा-पत्र उन्नत पानी सरबंधी कृषि प्रौद्योगिकी, मत्स्य पालन प्रचलन ते क्षमता निर्माण च सांझी अनुसंधान ते विकास पर केंद्रित ऐ। सहयोग च सुधार कार्यक्रम, समुद्री शैवाल सने समुद्री कृषि ते इजराइली जल-बचत प्रौद्योगिकी सोया जलीय कृषि प्रबंधन शामिल ऐ। मंत्रालय नै दस्सेआ ऐ जे घोषणा-पत्र मत्स्य पालन ते जलीय कृषि च स्टार्टअप आदान-प्रदान ते समर्थन पर जोर दिन्दा ऐ ते इसदा मकसद समुद्र अर्थव्यवस्था गी अग्रे बदाने च सहयोग मजबूत करना ऐ।

<><><><><><>